

# Nov dachasa per la GiuRu

DA FLAVIA HOBI

■ Strusch ha il 26avel onn da la GiuRu entschet ha noss president puspè dastgà communitgar in punct culminant en l'istorgia da la GiuRu. E quai en l'intervista per l'emprima Baterlada da l'onn 2017. Al discurs, uss era accessibel en la mediateca, ha il giuven moderatur *Elias Tsoutsaios* da Scuol invidà. Uss è la chausa sa concretisada. La fin d'emna passada avain nus fatg midada en trais. *Maurus Bundi*, *Dominic Blumenthal* ed *Uolf Candrian* èn stads si Laax en il tschaler ed archiv per il material da la GiuRu. Tge clettg avain nus chattà l'ascensur bain zuppà en l'anteriuor hotel Arena Alva. Cun la chargia essan nus arrivads bain sonda, anc avantmezdi, en la nova loca-

lità da la GiuRu. Suenten ina curta pausa da mezdi da strusch in'ura ed in bun gentar mexican, pajà da la GiuRu, han els trais drizzà en vinavant il local.

Da partir dal favrer avain nus in nov dachasa, quai en il «Welschdörfli» a Cuir, vis etimologicamain en il vitget rumantsch da la chapitala grischuna. La gronda stanza cumpartin nus cun *Remo Weishaupt* dal Teater Giuven Grischun e *Thomas Kaiser*, texter e schurnalist. Nus ans legrain sin ina buna vischinanza e sperain che era Thomas emprendia svelt rumantsch. En la stanza ha la GiuRu in agen pult, mo er ina maisa cumadaivla per discurs. Uschia n'avain nus betg be in lieu per deponer noss material e manar tras sesidas, mabain er in'adressa per ch'ins sappia nua ch'ins chatta la GiuRu

– saja per far visita, trametter posta u autras chaschuns.

Ultra dad in lieu da scuntrada per la su-prastanza duain cunzunt era tut noss commembers, quels che vulan anc daventar commembers, profitar da quest lieu. La commembranza custa be tar l'entrada ina giada 20 francs. Uschia pudess nossa stanza dentant er vegnida duvrada tras giuvenils che lavuran vi dad in project rumantsch, per exempel ina lavur da matura, che la GiuRu sustegn en quel cas pia betg exnum mo finanzialmain. Mo era sche la GiuRu avess dad organisar auters eveniments pli gronds è quai pussaivel. Quai vegn prest ad esser il cas cun l'inauguraziun dal nov dachasa da la giuventegna rumantscha che ha lieu questa primavaira en il nov local da la GiuRu.



Ina chargia plaina cun bunamain tut il material da la GiuRu en in auto. Il grop è gia fatg.

FOTO U. CANDRIAN